



გვანცხა პოპულარული

ზოგჯერ თქმა სპონსორი

საქართველოში განათლების სისტემაში გატარებული რეფორმიდან უკვე საკმაო დრო გავიდა იმისათვის, რომ მისი შეფასება დავიწყოთ. რა თქმა უნდა, ამ წერილს არ შეიძლება რეფორმის სრული და ყოველმხრივი შეფასების პრეტენზია ჰქონდეს. ჩვენ მხოლოდ რამდენიმე საკითხის გარკვევას შევეცდებით, რაც, შესაძლოა, მომავალში განათლების სისტემაში შექმნილი საერთო წარმოსაჩენად გამოდგეს. მომავალში კი, ალბათ, ჰუმანიტარული და საბუნებისმეტყველო მეცნიერებათა ყველა დარგის სპეციალისტებმა რეფორმა ყოველმხრივ და თანმიმდევრულად უნდა გაანალიზონ, რათა ერთხელ და სამუდამოდ ყველასათვის ნათელი გახდეს, რა იყო მისი არსი და მიზანი სინამდვილეში და მივიღეთ თუ არა ის შედეგი, რასაც მისი ავტორები და მხარდამჭერები გვპირდებოდნენ, ანუ ამაღლდა თუ არა ცოდნის დონე მოსწავლე ახალგზრდობისა იმათთან შედარებით, რომელთაც ცოდნა რეფორმამდელ სკოლასა და უმაღლეს სასწავლებლებში მიიღეს.

დავიწყოთ იქიდან, რომ რეფორმის მოთხოვნილება საბჭოთა კავშირის დაშლის თანადროულად, იმგვარ ვითარებაში გაჩნდა, როცა საზოგადოების დიდ ნაწილს, დაშლილი იმპერიის საპირისპიროდ, ამერიკის შეერთებული შტატები და დასავლური სამყარო იდეალად ესახებოდა. ამგვარმა, ლაბის გაერჩებამდე მისულმა იდეალიზებამ დასავლეთისა და აშშ-ს პოლიტიკურ-საზოგადოებრივი ყოფისა, როგორც ეს ასეთ დროსაა მოსალოდნელი, საზოგადოების თვით მოაზროვნე ნაწილსაც კი დაუკარგა უნარი ფხნულად შეფასებინა გაიდეალუდებული ყოფა, მისი დადგებითი და უარყოფითი მხარეებით, და საკუთარ ცხოვრებაში ის გადმოეტანა, რაც მართლაც ღირებული და ფასეული იქნებოდა. მაგრამ ფხნულად შეფასებისათვის აუცილებელი იყო კარგად შეგვესწავლა ის, რასაც ვაიდეალებდით; ჩვენ კი, სამწუხაროდ, იმ მეტისმეტად ზერელესა და ფრაგმენტულ ცოდნას დავჯერდით, რომელიც დასავლეთის შესახებ გვქონდა. მართალია, ცოდნის სიმწირეს თავისი ობიექტური მიზეზი ჰქონდა, — საბჭოთა კავშირი საზღვრებებაზე მდგრადი სახელმწიფო იყო და, ბუნებრივია, ის ეპიზოდური ურთიერთობანი,

რომელთაც ამგვარ პირობებში უცხოეთის ქვეყნებთან გახერხებდით, მათ ყოფაზე, ასე თუ ისე, სრულ წარმოდგენას ვერ შეგვიქმნიდა, მაგრამ არც სუბიექტური მიზეზი უნდა გამოვრიცხოთ. საჭირო იყო გააზრება და ანალიზი იმისა, რასაც დასავლეთის სახელგანთქმულ მწერალთა თხზულებებში ვკითხულობდით; მათ მიერ მაღალშხატვრულად ასახული სინამდვილე ადვილად დაგვარწმუნებდა არა მხოლოდ იმაში, რაოდენ დიდად იყო დაშორებული იგი იდეალს, არამედ იმაშიც, რომ ამ სამყაროში მარადიულ ზნეობრივ ღირებულებათა გადაფასებისა და გაუფასურების პროცესი საოცრად აქტიურად და ელვისებური სისტრაფით მიმდინარეობდა.

ამავე სამსახურის გაწევა შეეძლო ჩვენთვის XX ს-ის ამერიკული მწერლობისა და, განსაკუთრებით, ამერიკული კინოხელოვნების შედევრებს, რომელნიც პოლივუდში წინა საუკუნის ორმოც-ორმოცდაათიანსა და სამოციან წლებში იქმნებოდა.

დაფიქრებისა და გაანალიზების ნაცვლად, სამწუხაროდ, ჩვენ ასევე სრულიად გაუაზრებლად სარწმუნოდ მიგვაჩნდა საზოგადოებაში გაბატონებული შეხედულება იმის თაობაზე, რომ საბჭოთა კავშირის პირობებში დასავლელ და ამერიკელ ხელოვანთა შემოქმედებიდან ჩვენთვის ხელმისაწვდომი მხოლოდ ის ქმნილებები იყო, რომელნიც საბჭოურ იდეოლოგიას შეესაბამებოდნენ. დაფარული დარჩა წყარო, საიდანაც ეს შეხედულება მოდიოდა და ვრცელდებოდა, სამაგიეროდ, ამ გადასახედიდან ცხადი გახდა, რომ მხოლოდ ცოტაოდენი დაფიქრება იყო საჭირო მის აბსურდულობაში დასარწმუნებლად. მაგალითად, რა საერთო შეიძლებოდა ჰქონოდა ჩარლი ჩაპლინის დიდებულ ფილმებს საბჭოთა კავშირის ყბადაღებულ იდეოლოგიასთან? ხოლო თუ საერთო ჰქონდა და საბჭოთა კავშირს ჩაპლინისა თუ სხვა მის მსგავს გენიოსთა ქმნილებანი საკუთარი იდეოლოგიის განსამტკიცებლად სჭირდებოდა, რას ვერჩოდით ამ იდეოლოგიას, — მას მაღალზნეობრივი ხასიათი ჰქონია.

სიტყვამ მოიტანა და ბარემ აქვე ვიტყვით: ჩაპლინის ფილმებში სატირისა და იუმორის საოცარი სინთეზით, ძალიან ცოცხლად და თვალსაჩინოდ აისახა სინამდვილე, რომელიც ადამიანის მიერ ღმრთის ყოვლისშემძლეობისათვის ფულის ყოვლისშემძლეობის დაპირისპირების მცდელობამ მოიტანა. ადამიანმა დაკარგა მარადიულ სიცოცხლემდე მიმკვანი ჰქონის გზა ანუ დმრთი (მე ვარ გზა, ჰქონის ტება და სიცოცხლე, — ამბობს მაცხოვარი) და მის ყოფაში ღმრთის ადგილი ფულმა დაიჭირა. ბუნებრივია, ღმრთის უარყოფიდან გამომდინარე, მის ხატად შექმნილმა ადამიანმაც დაკარგა თავისი ადგილი და მნიშვნელობა ამქვეყნიურ სამყაროში. ფულის ანუ იგივე ყოვლისშემძლეობის მოპოვების ჟინით შეპყრობილმა საზოგადოების ნაწილმა, რომელმაც არა მხოლოდ საღმრთო, არამედ ბუნებით სჯულსაც (ე. ი. სინდისსაც) შედარებით ადვილად გადააბიჯა, მოყვასის ანუ მეორე ადამიანის არა მხოლოდ ინტერესები უგულებელყო, არამედ

თავად იგი მიიჩნია, მართალია, შედარებით მნიშვნელოვან, მაგრამ მაინც ერთ-ერთ საშუალებად ფულის მოხევჭის გზაზე.

უკვე სამი ათეული წელია საბჭოთა კავშირი აღარ არსებობს და ხელიც ყველაფრის წაკითხვასა და ნახვაზე მიგვიწვდება, რაც დასავლეთში იქმნება, მაგრამ ახლა მაინც ვაღიაროთ: თუ კი იქ რამე ღირებული და ფასეული შექმნილა, თურმე სწორედ მათი წაკითხვისა და ნახვის საშუალება გვქონია.

სწორედ ზემოხსენებული საქმეში ჩაუხედაობა, დაუფიქრებლობა და გაუაზრებლობა გახდა ძირითადი მიზეზი იმისა, რომ განათლების სისტემაში რეფორმის ჩატარების გადაწყვეტილებაც სასწრაფოდ მივიღეთ და თანაც ღრმა რწმენით იმისა, რომ იგი აუცილებლად ჩვენ მიერ გაიდეალებული სამყაროს მიერ უნდა ყოფილიყო ნაკარნახევი და მის მიერ შემოთავაზებულ თარგზე გამოჭრილი. დასავლეთის წინაშე მონური ქედლადრეგილობის გამო მწიგნობრობისა და საგანმანათლებლო საქმიანობის არა მხოლოდ იმ მდიდარ ტრადიციათა გათვალისწინება გამოგვრჩა მხედველობიდან, რომელთაც ჩვენი ერის ცხოვრებაში ბევრად ხანგრძლივი ისტორია აქვს, ვიდრე დასავლეთის ქვეყნებში, არამედ საერთოდ მათი არსებობა დავივიწყეთ და რეფორმა ისე ჩავატარეთ, თითქოს საქართველოში განათლების სისტემას არც ტრადიციები გააჩნდა და არც წინა პირობები.

არადა ჭეშმარიტი ღმრთის რწმენა და ამ რწმენაზე დაფუძნებული, თითქმის ყველა ეპოქაში აქტიურად წარმართული საგანმანათლებლო საქმიანობა იყო სწორედ ძირითადი მიზეზი ჩვენი ერის გადარჩენისა და დღემდე მოღწევისა.

სამაგიეროდ, რეფორმატორებმა რეფორმის პროგრამას საზოგადოებისათვის თვალის ასახვევად ქართველთა დიდი განმანათლებელის, ილია ჭავჭავაძის სახელი დაარქვეს. მაგრამ პროგრამის სახელწოდება მხოლოდ საზოგადოებისთვის თვალის ახვევის მიზნით არ შერჩეულა; უფიქრობ, სახელის შერჩევა იმ ცინიზმითაც განისაზღვრა, რომელიც დღეს ჩვენი ყოფის თითქმის ყველა სფეროშია გაბატონებული. მაგალითად, დემოკრატიისა და ადამიანის უფლებათა დაცვის სახელით უკიდურესად შეზღუდვა ქვეყნის მართვაში ხალხის მონაწილეობისა და სრული უგულებელყოფა ადამიანის უფლებებისა. სხვათა შორის ამ ცინიზმს სათავე დასავლეთის რელიგიურ-პოლიტიკურ ცხოვრებაში ეძებენება. უფრო დიდი ცინიზმი, ვიდრე კათოლიკური ეკლესიის მიერ საუკუნეთა განმავლობაში ქრისტეს სახელით ადამიანების დევნა და კოცონზე ცოცხლად დაწვა იყო, წარმოუდგენელია.

პროგრამისათვის ილიას დარქმევა მართლაც ილია ჭავჭავაძისადმი დიდი პატივისცემით რომ ყოფილიყო გამოწვეული, მაშინ მას, რა თქმა უნდა, ილიას იდეების საპირისპირო ხასიათი კი არ ექნებოდა, როგორც ამას დღეს ვხედავთ, არამედ, პირიქით, მათი მიხედვით იქნებოდა შედგენილი.

დავიწყოთ იქიდან, რომ ილია ჭავჭავაძის ღრმა რწმენით, „ქვეყნის მეობადი იმაზეა დამოკიდებული, რა მიმართულებას მიუცემთ ახალ თაობას“.¹ საერთოდ, ახალგაზრდობას მიმართულებას აღზრდა-განათლების მიცემით ვაძლევთ, ხოლო თვითონ მიმართულება როგორი იქნება: კეთილი ნაყოფის გამომდები, თუ პირიქით, ილიას აზრით, ეს მასზეა დამოკიდებული, როგორ არის მოწყობილი და აგებული პროგრამა სწავლებისა. პროგრამა კი ისე უნდა იყოს მოწყობილი, რომ ქვეყანას სულითა და გულით ამაღლებული, გონიერად ხსნილი ქართველი აღზარდოს. „სკოლაშ უნდა მოუშზადოს ერს გონიერითა და გულით იმდენად გაღვიძებული კაცი, რომ იგი საკუთარი ჰქონითა და გულით გაუშირვებლივ გაუძღვეს იმ სულიერსა და ხორციელ პატარა მოედანს, სადაც ერის უმრავლესობა სულს იბრუნებს, სულითა და ხორცით იღვწის და მოქმედებს. ...აი, ამ დიდსა და მძიმე დანიშნულებას უნდა მისღვდეს საერთო სკოლა და მარტო ამის მიხედვით იყოს უნდა მოწყობილი და აგებული. სხვა საგანი სკოლას არა აქვს“... შემდგომ ამისა, წმ. ილია მართალი არკვევს, რა საშუალებითა და ღონისძიებებით შეუძლია სკოლას აღსრულება თავისი განსაკუთრებული და მძიმე დანიშნულებისა, ისესენებს რას ამბობენ ამის თაობაზე პედაგოგიური მეცნიერების გამოჩენილი მკვლევრები და ასკვნის, რომ ამგვარი ღონე სკოლისა და საერთოდ განათლებისათვის მშობლიური ენა — დედა ენაა. „უდედაენოდ ბავშვისათვის გონიერი გახსნა ყოვლად შეუძლებელია. მაშინ სკოლა გონიერის სახსარი კი არ იქნება, არამედ გონიერის დაჩაგვრისა, გონიერის დახშვისა, დათრგუნვისა, გათახსირებისა, — განა ეს შეიძლება ვინმესათვის სასურველი იყოს?“ — წერს იგი.

არც დღეს უარყოფს არავინ და არც ილია ჭავჭავაძე უარყოფდა უცხო ენათა შესწავლის აუცილებლობას ახალგაზრდისათვის, მაგრამ ისინი მხოლოდ გარკვეული ასაკიდან უნდა ისწავლებოდეს და ისიც არა მშობლიური ენის შევიწროების ხარჯზე. პედაგოგიკის აღიარებული კანონებით, ვიდრე ბავშვს საკუთარი ძირები არ გაუმაგრდება და იმაზე ვარჯიშით არ განათლდება, რაც მისთვის მახლობელია, და იმ ენას არ შეისწავლის, რომელიც დვიძლი და მისიანია, მისი სულიერი ძალები უცხოსა და შორეულზე არ უნდა ვაკარჯიშოთ.²

ჩატარებული რეფორმა აშკარად დაუპირისპირდა პედაგოგიურ მეცნიერებაში აღიარებულ ზემოხსენებულ თვალსაზრისს, რომელსაც ილია ჭავჭავაძეც იზიარებდა, იმის თაობაზე, რომ განათლებას საფუძვლად დედა ენის კარგი ცოდნა უნდა დაედოს. დღეს ქართულ ენას, როგორც სასკოლო ისე უძალეს განათლებაში, უდავოდ დაკარგული აქვს ის ადგილი და უფლებები, რომელიც მას საბჭოთა კავშირის განათლების სისტემაში

¹ ი. ჭავჭავაძე, თხზულებათა სრული კრებული, ტ. VI, თბ., 1997. გვ. 9-10.

² იქვე, გვ. 425-430.

³ თხზულებათა ათტომეული, ტ. VIII, 132-133.

ქონდა; უფრო მეტიც; დღეს მის არსებობას, როგორც მეცნიერების ენისა, რეალური საფრთხე დაემუქრა, თუ ასე გაგრძელდა, უმოკლეს ხანში, გამოყენების ასპარეზის დავიწოდებასა და შემცირებასთან ერთად, ფუნქციებიც შეუმცირდება და იგი საოჯახო, ე. წ. საშინაო ენადღა დარჩება. სხვათა შორის რეფორმის ნამდვილი მიზანი, რომ სწორედ ეს იყო, თვითონ რეფორმატორებმაც გაამჟღვნეს. რადგან მიზანს რეფორმის გატარებისა და აღისახვის მეთოდების გამოყენებით შედარებით აღვილად მიაღწიეს, გული მოეცათ და ერთ-ერთმა მათგანმა საჯაროდაც კი განაცხადა, საქართველოს სახელმწიფო ენა ინგლისური უნდა იყოსო. რა შეიძლება იყოს იმაზე დიდი სიყალბე, სახელმწიფო თავს დამოუკიდებლობით იწონებდეს, დამოუკიდებლობის მიღების დღეს ზეიმით აღნიშნავდეს და სახელმწიფო ენად (ანუ განათლების ენად) უცხო ენა ჰქონდეს? რა დამოუკიდებლობაზე შეიძლება ამ დროს ლაპარაკი? არადა როგორც კი უმუშევრობისა და უზომოდ გაზრდილი გადასახადებისაგან ეკონომიურად უკიდურესად შეჭირვებული უმეტესი ნაწილი საზოგადოებისა ხმის ამოღებას დააპირებს, დაჩვლების უფლებას არ აძლევს და წამდაუწუმ შეახსენებენ — სამაგიეროდ დამოუკიდებლები ვართო. მაშინ რას ვერჩოდით საბჭოთა იმპერიას? საბჭოთა კავშირის კონსტიტუციით ქართულ ენას ათეულობით წლების განმავლობაში მყარად ჰქონდა შენარჩუნებული სახელმწიფო ენის სტატუსი. მართალია, ერთი პირობა სტატუსის შეცვლა სცადეს, მაგრამ ჩვენმა ხალხმა, საუკეთესო შვილების მეთაურობით, მისი დაცვა შეძლო, თუმცა ისიც უნდა ითქვას, რომ იმპერიის ხელისუფლებასაც ეყო გონიერება და კონსტიტუციაში ცვლილების შესატანად ძალა არ გამოუყენებია.

შეიძლება ვინმებ იკითხოს: რა მაძლევს იმის განცხადების უფლებას, რომ რეფორმის შედეგად ქართული ენა ბევრად უფრო დაბალ დონეზე ისწავლება, ვიდრე ის რეფორმამდელ სკოლაში ისწავლებოდა?

საკამათო არაა, რომ რომელიმე კონკრეტული საგნის, მათ შორის ქართული ენის, კარგად შესწავლისათვის კარგ პედაგოგთან ერთად კარგი სახელმძღვანელოცაა საჭირო, ხოლო კარგი სახელმძღვანელოს შექმნას განსწავლული ავტორი და სწორად შედგენილი პროგრამა სჭირდება. პროგრამა რომ სწორედ შედგეს, მიზნად მოცემულ საგანგი მოწაფისათვის, მისი ასაკის შესაფერისი, მაგრამ საფუძვლიანი ცოდნის მიცემას უნდა ისახავდეს. ამგვარი ცოდნის მისაცემად აუცილებელია: 1. კონკრეტული საგნის პროგრამა, განათლების საფეხურის შესაბამისად, ამ საგნის ძირითად საკითხებს სრულად მოიცავდეს და 2. ეს საკითხები თანმიმდევრულად ანუ მათი თანდათანობით გართულების მეთოდით უნდა ისწავლი გოდნებს.

რეფორმის შედეგად ცალკეულ საგნებში, მაგალითად, ქართულ ენასა და ლიტერატურაში, ახლადშედგენილი პროგრამის გაცნობამ დაგვარწმუნა, რომ რეფორმის ძირითადი მიზანი მოსწავლე ახალგაზრდობისათვის ცალკეულ საგნებში არა საფიქციიანი, არამედ ინფორმაციული ხასი-

ათის ცოდნის მიცემაა. უწინარესად ამაზე მეტყველებს ინტეგრირება როგორც საბუნებისმეტყველო, ისე ჰუმანიტარული საგნებისა, მაგალითად, ქართული ენისა და ლიტერატურისა. ბუნებრივია, რომ ინტეგრირებული საგნისათვის შედგენილი პროგრამა შეუძლებელია სრულად მოიცავდეს იმ ძირითად საკითხებს, რომელიც კონკრეტული საგნის საფუძლიანად შესწავლისათვისაა საჭირო. საზოგადოებისათვის უმოწყალოდ შეკვეცილი პროგრამების შინაარსობრივი სიმწირე რომ დაეფარათ, იგი გარეგნულად გართულებული ფორმით შენიღდეს. სწორედ ეს ხელოურად გართულებული, ხშირად უბრალოდ გაუგებარი ფორმა ითვლება იმ პროგრამულ სიახლედ, რომელმაც თითქოს ძველი და დრომომჭმული უნდა შეცვალოს.

ბუნებრივია, განუწყვეტელი ცვალებადობა ადამიანის აქტევნიური ყოფის განუყრელი თანამგზავრია, მაგრამ ისიც ჰქონდებაა, რომ ადამიანისათვის, რომელსაც შემოქმედმა თვითი ხატი მარადიულად უბობა, მარადიული, წარუგალი ღირებულებებიც არსებობს, რომელთა ხელყოფაც ადამიანის სულის გაღარიბებასა და მისი ცოდვით ისედაც დაზიანებული გონების კიდევ უფრო მეტად დაზიანებას იწვევს. ერთ-ერთი ასეთი ღირებულებათაგანი საფუძლიანი ჰქონდებაა, რომელსაც, რა თქმა უნდა, ინფორმაციული ხასიათის ცოდნა ვერავითარ შემთხვევაში ვერ შეცვლის. ისევ იღლა ჰუკავაძეს მოუქმინოთ „ჰქონდება განათლება განვითარებული გონებისა და გაწერთნიილი ზნე-ხასიათის ერთმანეთთან განუყრელი შეუდლებაა. თუ კაცს ან ერთი აკლია, ან მეორე, იგი განათლებული არ არის“.⁴ მაშასადამე, ცოდნის მიღებამ ადამიანს ზნე-ხასიათის წვრთნას ანუ სულის დახვეწისა და ამაღლებას უნდა შეუწყოს ხელი, რითაც მიიღწევა კიდეც ადამიანის ამქვეწიური ცხოვრების მთავარი მიზანი — მარადიული ცხოვრების მოპოვება.

მისი მარადიული ღირებულებიდან გამომდინარე ამბობენ სწორედ, რომ განათლების სისტემაში სიახლის დანერგვა ამ სისტემის ცოდნასთან ერთად დაფიქრებას, ღრმად განსჯასა და შედეგების გათვალისწინებას მოითხოვს.

ახლა შევეცდები ის, რაზეც ზემოთ გვქონდა საუბარი, პრაქტიკულად ერთი კონკრეტული სახელმძღვანელოს მაგალითზე წარმოვაჩინო. ესაა სახელმძღვანელო ქართულ ენასა და ლიტერატურაში მე-7 კლასისათვის, სახელმძღვანელოს აწერია, რომ იგი რეკომენდებულია ეროვნული სასწავლო გეგმებისა და შეფასების ცენტრის მიერ და წარმატებით პილოტირებულია საქართველოს სკოლებში განათლების რეფორმის პროექტ „ილია ჰუკავაძის“ ფარგლებში 2005-2006 წელს. სახელმძღვანელოს გაცნობა იმდენ კითხვას აჩენს, რომ ყველას აქ მოტანა და პასუხის გაცემა გაგვიჭირდება. დავიწყოთ იქიდან, რომ უწინარესად იგი ადასტურებს ზემოგამოთქმულ შეხედულებას იმის თაობაზე, რომ განათლების რეფორმის მიზანი სკოლაში

⁴ ი. ჰუკავაძე, თხზულებათა ათტომეული, IV გვ. 293-4.

არა საფუძვლიანი ცოდნის, არამედ ზერულე, ინფორმაციული, ხასიათის ცოდნის მიცემაა. ამაში მხოლოდ სარჩევის გადათვალიერებაც დაგარწმუნებთ; თემატიკა ადვილად მიგა ხვედრებთ, რომ სახელმძღვანელოს პრეტენზია აქვს არა მხოლოდ ლიტერატურა ასწავლოს, ამ ცნების საკუთრივი გაებით, არამედ მისი დამოკიდებულებაც ხელოვნების სხვა ისეთ დარგებთან, როგორიცაა მუსიკა, ფერწერა, თეატრი... ბუნებრივად ჩნდება კითხვა: შეიძლება კი 12-13 წლის ბავშვს (მე-7 კლასში ძირითადად ამ ასაკისანი სწავლობენ) ხელოვნების ზემოთ დასახელებულ დარგებზე ისეთი ცოდნა ჰქონდეს, რომ ლიტერატურასთან მათი მიმართება გაარკვიოს? რა თქმა უნდა, — არა. მაგალითად, რუბრიკაში „პოზია და ფერწერა“ წარმოდგენილია დავით კაკაბაძის „იმერეთი — დედახემი“, ნიკო ფიროსმანის „არსენალის მთა დამით“, ფრანგი მხატვრების: კლოდ მონეს, ედვარ დეგას, პოლ სეზანის ფერწერული ტილოები და მათი შთაგონებით შექმნილი ლექსები მამუკა სალუქებაძისა. ახლა ვნახოთ კითხები, რომელებითაც სახელმძღვანელოს ავტორ-შემდგენელი მოსწავლისაგან მოითხოვს განმარტებას, როგორ აისახა სიტყვიერ ხელოვნებაში ფერწერით უკვე ასახული სინამდვილე და თავად განსაჯეთ, რა დონის ცოდნა უნდა ჰქონდეს მოსწავლეს, როგორც ლიტერატურის თეორიის, ისე ფერწერის ხერხებისა, რომ მათზე სწორი პასუხების გაცემა შეძლოს.

გასაგები მიზეზების გამო დასმული რგა კითხვიდან რამდენიმეს მოვიტანთ:

1. კარგად თუ დააკვირდებით დავით კაკაბაძის ნახატს, უთუოლ შენიშვნათ, რომ შორეული და ახლო ხელები განსხვავებულად არის გამოსახული. როგორ აისახა ეს განსხვავება მამუკა სალუქებაძის ლექსში?

2. რა განწყობილებას ქმნის ლექსის პირველსავე ტაქტში ნახესენები ჩამავალი შეე? (რომელი სიტყვები ქმნიანება მას ბოლო სტროფში?)

3. ხალხურ ლექსში ნათქვამია: „ბინდისფერია სოფელი, უფრო და უფრო ბინდება“, ამჯერად როგორ გახმიანდა ხალხური ლექსის ეს სიტყვები?

4. ფერწერულ ტილოზე დედის ფიგურის უშუალო სიახლოეს ყველაფერი ზედმიწვნითი სიზუსტით არის დახატული (სხვათა შორის ვერ დავეთანხმებით კითხვის ავტორს; დავით კაკაბაძის ხატვის მანერა საგნების ზედმიწვნითი სიზუსტით ასახვას არ გულისხმობს). თქვენი აზრით, რატომ გამოარჩია მათგან პოეტმა მაინცდამაინც ბაბუაწვერა და მის თავზე მოფარფატე თეორი ჰქვედა? და ა. შ.

იმისათვის, რომ სწორად გააანალიზოს, რამდენად ადეკვატურად გადმოსცემს მ. სალუქებაძე პოეტური სიტყვით იმ განწყობილებას, რომელიც ფრანგი მხატვრების ფერწერულ ტილოებზე ფერებითაა გადმოცემული, მოწაფემ აუცილებლად უნდა იცოდეს, რას ნიშნავს იმპრესიონიზმი ფერწერაში, რითი განსხვავდება იგი რეალისტური მხატვრობისაგან და რა

ხერხებს იყენებს სინამდვილის გაღმოსაცემად. რამდენადაც ასეთი ცოდნა, ჩვეულებრივ, ამ ასაკის ბავშვებს არ აქვთ, ამდენად ავტორ-შემდგენლის მიწოდებული მასალისგან მათ შეიძლება მხოლოდ ინფორმაცია დარჩეთ იმის შესახებ, რომ არსებობდნენ ქართველი თუ ფრანგი მხატვრები, რომელთა ფერწერულ ტილოებს მ. სალუქევაძემ ლექსები მიუძღვნა.

შეიძლება ვინმებ თქვას, რომ ასეთი ინფორმაციებიც საჭიროა; რა თქმა უნდა, ინფორმაციათა მიწოდება ცუდი არაა, მაგრამ მე-7 კლასის ქართული ენისა და ლიტერატურის სახელმძღვანელოში მათ ადგილს ვერ ვხედავთ, მით უმეტეს მაშინ, როცა თვითონ ლიტერატურის პროგრამაა შეკვეცილი. ამგვარი ინფორმაციის მიწოდებაზე ბევრად სასარგებლო იქნებოდა მოსწავლებს არა ნაწყვეტების სახით, არამედ მთლიანად შეეწავლათ ილია ჭავჭავაძის „კაცია ადამიანი?“ „ანალიზითა და პერსონაჟთა დახასიათებით; იგვე უნდა ვთქვათ აკაკი წერეთლის პოემის „თორნიკე ერისთავის“ შესახებაც, რომელიც სახელმძღვანელოში არასრული სახითაა წარმოდგენილი. გაუგებარია, რამ განაპირობა პოემის ზოგიერთი თავის შინაარსების პოზით გაღმოცემა. მაინც რა უშლის ხელს იმას, რომ ქართველი მოწაფე ჩვენი დიდი პოეტის შშენიერ პოემას იმ სახით გაუცნოს, როგორც იგი თავად პოეტმა დაწერა? აქაც ხომ, განსხვავებით პაგიოგრაფიული თხზულებებისგან, ენისა და შინაარსის სირთულეს ვერ მოვიძიზეზებთ, მით უმეტეს იმ სირთულის ფონზე, რომელსაც მოწაფე, როგორც ვნახეთ, აუცილებლად წაწყდება რუბრიკებში „პოეზია და ფერწერა“, „პოეზია და მუსიკა“ და ა. შ.

მსგავსი რუბრიკებით (მაგ.; „წერილი“, „რას წერენ გაზეთში?“, „ინტერვიუ“, „მკითხველის თეატრი“ და ა. შ.). სახელმძღვანელოს გადატვირთვას, ვფიქრობთ, ბევრად სჯობდა ავტორ-შემდგენელს უფრო უხვად წარმოედგინა წმინდა ლიტერატურული მასალა — მშვენიერი ნიმუშები ქართული პოეზიისა და პროზისა, რომელთა სიმრავლეც, საბედნიეროდ, მათგან საუკეთესოთა ამორჩევის საშუალებას იძლევა; თუმცა რა უხვად წარმოდგენაზე ვსაუბრობთ, როცა ის ცნობილი ნაწარმოებებიც, რომელთა შესახებაც ზემოთ აღვნიშნეთ, შემოკლებული სახითაა მოცემული?

გაუგებარია, რა პრინციპითაა მოცემული ჯერ ტექსტში არსებული ძნელად გასაგები სიტყვების ლექსიკონი და მერე თვითონ ტექსტი? რატომ ჯერ ლექსიკონი და შემდეგ ტექსტი? ხომ ყოველთვის ყველა სახელმძღვანელოში პირიქით იყო: ჯერ ტექსტი და შემდეგ ლექსიკონი. რითა განპირობებული ეს სიახლე? სახელმძღვანელოს ავტორები ხომ თვითონვე აღნიშნავენ, რომ ტექსტში არსებული გაუგებარი სიტყვების მნიშვნელობის ამოცნობაში ხშირად კონტექსტი გვეხმარება? (გვ. 259).

ყველაზე რბილად რომ ვთქვათ, არა მხოლოდ გულდასაწყვეტი, არამედ გაუმართლებელიცაა „ვეფხისტყაოსნის“ ნაწილ-ნაწილ სწავლება ბაგშვებისათვის. განსახილველი სახელმძღვანელოდან შევიტყვე, რომ რაღაც ნაწილი პოემისა მე-6 კლასშიც ისწავლება, ნაწილი მეშვიდეში და, ალბათ,

ნაწილიც მომდევნო კლასებში. როგორც ეს „ვეფხისტყაოსნის“ ზოგიერთი თავის შინაარსის პერიფრაზის სახით გადმიცემამ მიმახვედრა, პროგრამის მიხედვით, „თორნიკე ერისთავის“ მსგავსად, არც „ვეფხისტყაოსნის“ სრულად შესწავლაა გათვალისწინებული. რომების ნაწილ-ნაწილ და ისიც არასრულად მიწოდებულმა ტექსტმა რა შთაბეჭდილება უნდა შეუქმნას მოსწავლეს ამ გენიალური ქმნილების შესახებ? რა თქმა უნდა, მას შთაბეჭდილებაც ზედაპირული შექმნება და ცოდნასაც მხოლოდ ინფორმაციული ხასიათისას მიიღებს, ანუ ეცოდინება, რომ არსებობდა პოეტი შოთა რუსთაველი, რომელმაც დაწერა პოემა ვეფხისტყაოსნას ტარიელზე. მაგრამ არ ეცოდინება, რა მარადიულ ღირებულებებს ქადაგებს მისი ავტორი და რა შთამბეჭდავადა განსხვეულებული ეს ღირებულებანი შხატვრული სიტყვის მეშვეობით. სხვათა შორის, ცნობილია, რომ ცუდად და ზერულებ შესწავლა რომელიმე თხზულებისა, საკითხის თუ მოვლენისა ხშირად მათ ღრმად შესწავლას მომავალშიც უშლის ხელს.

როგორც ეს წერილის შესავალშივე გამოიკვეთა, იგი არა ცალკეულ სახელმძღვანელოთა კრიტიკული განხილვის, არამედ რეფორმის არსისა და მიზნების საშილებლად დაიწერა. დარწმუნებული ვარ, განსახილველი სახელმძღვანელო ძირითადად რეფორმის მიერ წაყენებულ მოთხოვნათა შესაბამისად შეიქმნა. ვერ დავიჯერებ, რომ ავტორ-შემდგენლის პიროვნული გადაწყვეტილებით ისწავლება „კაცია ადამიანი?!“, „თორნიკე ერისთავი“ და მით უმეტეს „ვეფხისტყაოსნა“ ნაწყვეტებისა თუ შემოკლებული სახით.

იგივე უნდა ვთქვა სახელმძღვანელოს გრამატიკულ ნაწილზეც. მისმა ავტორ-შემდგენელმა ჩემზე უკეთ იცის, რომ ენის საფუძვლიანად შესწავლა უმარტივესი საკითხებით იწყება და თანდათანობით როულდება, თუმცა ახლა სახელმძღვანელოებს სხვა პირინციპებით ადგენენ, რაშიც ამ ბოლო წლებში გერმანულ ენაზე გამოცემულმა ძველი ბერძნული ენის სახელმძღვანელომაც დამარტინუნა, რომელშიც ზმნა ყველაზე როულად საწარმოებელ დროებში უკვე პირველივე პარაგრაფში იყო მოცემული. აქვე შევნიშნავ, რომ სტუდენტებისათვის ასე არათანმიმდევრულად მიწოდებულმა გრამატიკულმა მასალამ კეთილი შედეგი ვერ გამოიღო. როგორც ამ საგნის პედაგოგი, უშუალოდ დავრწმუნდი, რომ ენის ღრმა და საფუძვლიანი სწავლებისათვის მასალის გადაცემისას აუცილებლად თანმიმდევრულობის დაცვა საჭირო. იგივე შემიძლია ვთქვა მე-7 კლასის სახელმძღვანელოს გრამატიკულ ნაწილზეც. ალბათ მისი ავტორ-შემდგენელიც დამიდასტურებს, რომ მასში, არც თუ ისე იშვიათად, მეშვიდეკლასელი მოწაფისათვის ისეთი მასალაა მიწოდებული, რომელიც ძველ, რეფორმამდელ უნივერსიტეტში ფილოლოგიის ფაკულტეტზე ცალკე საგნად, სახელწოდებით „ქართული ენის პრაქტიკული სტილისტიკა“, ისწავლებოდა.

არც ის უნდა იყოს სადაო, რომ გრამატიკაში ჯერ წესი უნდა ისწავლებოდეს და მაგალითებით შემდეგ უნდა ხდებოდეს მისი გათვალსაჩინოე-

ბა და არა პირიქით. ცალკეულ მაგალითებს მართლწერისა მოწაფე ისე ვერ განახოგადებს, რომ მათთვის ერთი საერთო წესი დაადგინოს. რადგან ყველა ცალკეული მაგალითის დამახსოვრება შეუძლებელია, სწორად წერასა და მეტყველებას უწინარესად სწორედ საერთო წესის ცოდნა განაპირობებს, რა თქმა უნდა, გამონაკლის შემთხვევათა გათვალისწინებით, რომელთა დამახსოვრებაც სწორედ მათი გამონაკლისობის ანუ სიმცირის გამო ბეგრად ადვილია.

